

U Ministarstvu vanjskih poslova Bosne i Hercegovine 14. februara 2012. godine održan je sastanak predstavnika zemalja članica Američko-jadranske povelje (Albanije, BiH, Crne Gore, Hrvatske, Makedonije, Sjedinjenih Američkih Država), predstavnika Srbije koja ima status posmatrača i predstavnika NATO štaba Sarajevo. Bosna i Hercegovina predsjedava Poveljom od 1. januara 2012. godine.

Pomoćnik ministra vanjskih poslova Bosne i Hercegovine za multilateralne odnose ambasador Branimir Mandić pozdravio je prisutne i istakao da BiH pridaje veliki značaj predsjedavanju Poveljom koja je postala značajan forum regionalnih diskusija o NATO-u i sigurnosti. Šef Odjela za mir i sigurnost u MVP BiH, ambasador Almir Šahović, prisutnima je predstavio Nacrt Akcionog plana predsjedavanja. Naglasio je da će akcent bh. predsjedavanja biti na elementima saradnje iz oblasti unutrašnjih poslova, sigurnosti i odbrane.

Šefovi delegacija zemalja članica Povelje su naglasili njen značaj kao mehanizma saradnje između zemalja članica. Bosna i Hercegovina je Američko-jadranskom poveljom predsjedavala u drugoj polovini 2009. godine.